

**12**

Vlada Brčko Distrikta BiH, na osnovu člana 52. i 53. Statuta Brčko Distrikta Bosne i Hercegovine («Službeni glasnik Brčko Distrikta BiH», broj: 3/07), i člana 11. stav (2) Zakona o Vladi Brčko Distrikta Bosne i Hercegovine («Službeni glasnik Brčko Distrikta BiH», broj: 19/07 i 36/07), na 63. Redovnoj sjednici održanoj 09. januara 2008. godine, d o n o s i

**O D L U K U**  
**O IZMJENI ODLUKE O NAKNADAMA TROŠKOVA SLUŽBENOG**  
**PUTOVANJA**  
**BRJ: 01-014-008501/06 OD 3. 7. 2006. GODINE**

**Član 1.**

Član 5. i 8. Odluke o naknadama troškova službenog putovanja, broj: 01-014-008501/06 od 3. 7. 2006. godine mijenjaju se i glase:

**«Član 5.**

Visina putne dnevnice za službeno putovanje u zemlji iznosi 50 (pedeset) KM.

Dnevnice za inostranstvo obračunavaju se od časa prelaska granice Bosne i Hercegovine.

Visina pune dnevnicke za službeno putovanje u inostranstvo iznosi 120 (stotinudvadeset) KM.

Visina dnevnice za službeni put u inostranstvo za Republiku Srbiju, Republiku Hrvatsku, Republiku Makedoniju i Republiku Crnu Goru, iznosi 50 (pedeset) KM.»

**«Član 8.**

Ova odluka stupa na snagu 09.01.2008. godine i objavljuje se u «Službenom glasniku Brčko distrikta BiH», a odnosi se na službena putovanja izvršena od datuma stupanja na snagu ove odluke, dok će se na službena putovanja obavljena do tog datuma primjenjivati Odluka o naknadama troškova službenog putovanja broj: 01-014-008501/06 od 3. 7. 2006. godine.»

Broj: 01.1-02-000463/08  
 Brčko, 10. 01. 2008. godine

**GRADONAČELNIK**  
 Mirsad Đapo, dipl. pravnik, s.r.

**13**

Vlada Brčko Distrikta BiH, na osnovu člana 52. i 53. Statuta Brčko Distrikta Bosne i Hercegovine («Službeni glasnik Brčko Distrikta BiH», broj: 3/07), člana 11. stav (2) Zakona o Vladi Brčko Distrikta BiH («Službeni glasnik Brčko Distrikta BiH», broj: 19/07 i 36/07), člana 3. 4. 5. 49. 53. 54. 55. i 58. Zakona o Komunalnim djelatnostima («Službeni glasnik Brčko Distrikta BiH», broj: 30/04 i 24/07), člana 62. 70. i 129. Zakona o vodama («Službeni glasnik Republike Srpske», broj: 10/98) i člana 1. 2. 34. i 64 Odluke Skupštine Brčko Distrikta BiH o provođenju prostornog plana, broj: 0-02-022-64/07 od 04. 06. 2007. godine, po Prijedlogu Odjeljenja za komunalne poslove, broj: 08-052-003297/07 od 05. 12. 2007. godine, na 63. Redovnoj sjednici održanoj 09. januara 2008. godine, d o n o s i

**O D L U K U**  
**O POKRETANJU PROJEKTA KANALISANJA I PREČIŠĆAVANJA**  
**OTPADNIH VODA BRČKO DISTRIKTA BiH**

**Član 1.**

Ovom odlukom se odobrava pristupanju izrade projektovanja, rekonstrukcije, izgradnje, finansiranje i upravljanje otpadnim vodama Brčko Distrikta BiH pod nazivom projekta «Kanalisanje i prečišćavanje otpadnih voda Brčko Distrikta BiH».

**Član 2.**

Investitor projekta iz člana 1. ove odluke je Brčko Distrikt BiH.

**Član 3.**

Sredstva za projekat iz člana 1. ove odluke obezbijediće se dijelom iz sredstava Kapitalnog budžeta Brčko Distrikta BiH, dijelom iz usvojenih ponuđenih i dogovorenih uslova finansiranja koje obezbijedi ponuđač, te dijelom iz usvojenih ponuđenih i dogovorenih uslova privatnog - javnog

partnerstva i dijelom vlastitim obezbjeđenjem kreditnih i kreditnih bespovratnih sredstava.

**Član 4.**

Ukoliko se radi realizacije projekta iz člana 1. ove odluke budu zaključivali ugovori o kreditiranju, Brčko Distrikt BiH se obavezuje da će biti garant vraćanja kreditnih sredstava.

**Član 5.**

Gradonačelnik Brčko Distrikta BiH će svojom odlukom imenovati stručni ekspertni tim za pregovore sa ponuđačima o pravnim, finansijskim, tehničkim, tehnološkim i svim drugim aspektima za dodjelu ugovora o realizaciji projekta kao i stručno radno tijelo za davanje podataka i podloga za projektovanje koje ne postoje u u službenim registrima, a neophodni su za projektovanje koje će verifikovati Vlada Brčko Distrikta BiH.

**Član 6.**

Za realizaciju ove odluke, poslova organizovanja i sprovođenja realizacije projekta zadužuje se Odjeljenje za Komunalne poslove.

**Član 7.**

Ova odluka stupa na snagu danom donošenja i objavljuje se u «Službenom glasniku Brčko Distrikta BiH».

Broj: 01.1-02-000579/08  
 Brčko, 10. januara 2008. godine

**GRADONAČELNIK**  
 Mirsad Đapo, dipl. pravnik, s.r.

**14**

Vlada Brčko Distrikta BiH, na osnovu člana 52. i 53. Statuta Brčko Distrikta Bosne i Hercegovine («Službeni glasnik Brčko Distrikta BiH», broj: 3/07), člana 11. stav (2) Zakona o Vladi Brčko Distrikta BiH («Službeni glasnik Brčko Distrikta BiH», broj: 19/07 i 36/07) i člana 21. Zakona o javnoj upravi Brčko Distrikta BiH («Službeni glasnik Brčko Distrikta BiH» broj:19/07) po Prijedlogu Odjeljenja za prostorno planiranje i imovinsko-pravne poslove, broj: 06-052-003420/07-1 od 31. 10. 2007. godine, na 63. Redovnoj sjednici održanoj 09. januara 2008. godine, d o n o s i

**O D L U K U**  
**O ODREĐIVANJU LOKACIJE NOVOG MOSTA PREKO RIJEKE SAVE U**  
**BRČKO DISTRIKTU BiH**

**Član 1.**

Određuje se lokacija za izgradnju novog mosta preko rijeke Save u Brčko Distriktu BiH, istočno od uključenja zaobilaznice, odnosno na potezu priključenja lokalnih puteva iz Sandića i Trnjaka sa magistralnim putem Banja Luka - Bijeljina.

**Član 2.**

Za realizaciju ove odluke pred nadležnim organima BiH zadužuju se Gradonačelnik i nadležna odjeljenja Vlade Brčko Distrikta BiH.

**Član 3.**

Sastavni dio ove odluke su grafički prilozi broj: 06-052-003420/07-2 od 31. 10. 2007. godine i broj: 06-052-003420/07-3 od 31. 10. 2007. godine.

**Član 4.**

Ova odluka stupa na snagu danom donošenja i objavljuje se u «Službenom glasniku Brčko Distrikta BiH».

Broj: 01.1-02-000583/08  
 Brčko, 10. januara 2008. godine

**GRADONAČELNIK**  
 Mirsad Đapo, dipl. pravnik, s.r.

**15**

Upravni odbor Fonda zdravstvenog osiguranja Brčko distrikta Bosne i Hercegovine, na osnovu člana 16 stava 1 tačke d Odluke o osnivanju Fonda zdravstvenog osiguranja Brčko distrikta BiH („Službeni glasnik Brčko distrikta BiH“, brojevi: 1/07 i 8/07) na XI. redovnoj sjednici Upravnog odbora, održanoj 19. 12. 2007. godine, donosi

**O D L U K U**

**O IZMJENAMA I DOPUNAMA STATUTA  
FONDA ZDRAVSTVENOG OSIGURANJA BRČKO DISTRIKTA BiH**

**Član 1**

(1) Član 24, stav 4 Statuta Fonda zdravstvenog osiguranja Brčko distrikta BiH („Službeni glasnik Brčko distrikta BiH“, broj: 17/07) mijenja se i glasi:

„Planirana sredstva utvrđena finansijskim planom raspoređuju se prema namjenama srazmjerno ostvarenim prihodima u periodu u kojem se raspoređuju. Preraspodjela nepotrošenih sredstava se može vršiti na svim pozicijama, s tim da se nepotrošena sredstva preraspoređuju na materijalne troškove, a preostali dio sredstava na izdatke koji se odnose na prava iz zdravstvenog osiguranja.“

(2) Stav 5 ovog člana mijenja se i glasi:

„Preknjižavanje – virmanizacija nepotrošenih sredstava između ekonomskih kodova ne može se vršiti više od tri puta u toku jedne fiskalne godine.“

(3) Iza stava 5 ovog člana dodaju se stavovi 6, 7, 8 i 9 koji glase:

„(6) Fond može u toku fiskalne godine izvršiti rebalans Finansijskog plana Fonda u slučaju nepredviđene i značajne razlike između prihoda i rashoda Fonda, odnosno u slučaju kada se izdaci ne mogu pokriti planiranim prihodima, ili ukoliko prihodi prevazilaze projekciju, a potrebni su dodatni izdaci.“

(7) Odluku o rebalansu Finansijskog plana Fonda donosi Upravni odbor Fonda.

(8) Postupak donošenja rebalansa finansijskog plana Fonda se vrši na isti način kao i postupak usvajanja Finansijskog plana od Upravnog odbora Fonda.

(9) U finansijskom planu Fonda mogu se planirati sredstva za nabavku, rekonstrukciju i investiciono održavanje stalnih sredstava Fonda u skladu sa Zakonom o računovodstvu i reviziji Brčko distrikta BiH.“

**Član 2**

Ova odluka stupa na snagu danom donošenja i objavit će se u „Službenom glasniku Brčko distrikta BiH“.

Broj: 015-180/7-000030/07  
Brčko, 19. 12. 2007. godine

**PREDsjedNIK UPRAVNOG ODBORA**  
Safet Rizvanović, dipl. ekon. s.r.

**16**

Na osnovu člana 9. stava 2. Zakona o plaćama i drugim naknadama sudija i tužilaca u Brčko Distriktu („Službeni glasnik Brčko Distrikta“, broj:1/06), a u vezi sa članom 17. tačka 13. Zakona o Visokom sudskom i tužilačkom vijeću BiH („Službeni glasnik BiH“, broj: 25/04, 93/05 i 48/07), Visoko sudsko i tužilačko vijeće Bosne i Hercegovine, u suradnji sa Pravosudnom komisijom Brčko Distrikta, na sjednici održanoj dana 13.12.2007. godine, donijelo je

**PRAVILNIK  
o plaćenom odsustvu sudija i tužilaca u Brčko Distriktu**

**Član 1.**

**Obim primjene**

Pravilnikom o plaćenom odsustvu sudija i tužilaca u Brčko Distriktu (u daljem tekstu: Pravilnik) uređuju se okolnosti pod kojima sudija odnosno tužilac u Brčko Distriktu može nastaviti primati plaću za vrijeme odsustva odobrenog od strane Visokog sudskog i tužilačkog vijeća BiH (u daljem tekstu: Vijeće), u skladu sa Zakonom o Visokom sudskom i tužilačkom vijeću BiH i Zakonom o plaćama i drugim naknadama sudija i tužilaca u Brčko Distriktu.

**Član 2.**

**Plaćeno odsustvo**

- 1) Vijeće može odlučiti da sudija odnosno tužilac nastavi primati plaću tokom odsustva odobrenog u skladu s

članom 17. tačka 13. Zakona o Visokom sudskom i tužilačkom vijeću BiH, u slučajevima kada se odsustvo odobrava radi:

- a) edukacije od posebnog značaja za pravosuđe,
  - b) rada na nacrtima propisa i drugim materijalima od značaja za pravosuđe,
  - c) uključivanja u akademske, nastavne ili slične aktivnosti u svrhu edukacije javnosti,
  - d) drugih aktivnosti koje mogu biti od značaja za pravosuđe.
- 2) Pod edukacijom iz stava 1. tačka a) ovog člana ne podrazumijeva se redovna edukacija koju odobrava predsjednik suda odnosno glavni tužitelj.

**Član 3.**

**Odluka o plaćenom odsustvu**

- 1) Odluku kojom se odobrava plaćeno odsustvo Vijeće donosi na osnovu obrazloženog zahtjeva sudije odnosno tužioca, a nakon konsultacija sa predsjednikom suda u kojem sudija koji podnosi zahtjev obavlja funkciju, odnosno glavnim tužiocem Tužilaštva Brčko distrikta.
- 2) Odluka kojom se sudiji odnosno tužiocu odobrava plaćeno odsustvo uvijek sadrži obrazloženje.

**Član 4.**

**Naknada za obavljanje poslova za vrijeme odsustva**

Ukoliko je predviđeno da sudija odnosno tužilac aktivnosti zbog kojih se odobrava odsustvo obavlja uz naknadu, prilikom odlučivanja o plaćenom odsustvu visina ove naknade će se uzeti u obzir.

**Član 5.**

**Stupanje na snagu i objavljivanje**

Ovaj Pravilnik stupa na snagu danom donošenja i objavljuje se u Službenom glasniku Brčko Distrikta.

Broj: VSTV-08-2572-27122007

Datum: 27.12.2007. godine

Branko Perić, s.r.

**Predsjednik Visokog sudskog i tužilačkog vijeća BiH**

**17**

Na osnovu člana 2.9 stav (1) tačka 9. i člana 5.29 Izbornog zakona Bosne i Hercegovine („Službeni glasnik BiH“, broj: 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06 i 32/07), Centralna izborna komisija Bosne i Hercegovine je na 72. sjednici, održanoj 21.12.2007. godine, donijela

**O D L U K U**

**o potvrđivanju i objavljivanju rezultata prijevremenih izbora za predsjednika Republike Srpske održanih 09.12.2007. godine**

**Član 1.**

Centralna izborna komisija Bosne i Hercegovine potvrđuje rezultate prijevremenih izbora za predsjednika Republike Srpske održanih 09.12.2007. godine.

**Član 2.**

Za predsjednika Republike Srpske izabran je **Kuzmanović Rajko**, kandidat političke stranke Savez nezavisnih socijaldemokrata – SNSD - Milorad Dodik.

**Član 3.**

Sastavni dio ove Odluke je Izvještaj o rezultatima prijevremenih izbora iz člana 1. ove Odluke.

**Član 4.**

Nakon pravosnažnosti ove Odluke ista će biti objavljena u „Službenom glasniku BiH“, „Službenim novinama Federacije BiH“, „Službenom glasniku Republike Srpske“, „Službenom glasniku Brčko Distrikta BiH“ i sredstvima javnog informisanja.